

**BODO (CODE:192)**  
**CLASS-XII**  
**Academic Year: 2024-25**  
**Marking Scheme**

Time: 3:00 Hours

Marks: 80

		<b>Part-A</b> <b>(Objective Type MCQ Paper)</b>	<b>गासै नम्बर-80</b>
<b>सौथि नं.</b>	<b>1.</b>		<b>5x1=5</b>
CBQ	(i)	फिन: (D) उन दाजाबदा	1
CBQ	(ii)	फिन: (A) बेखेवफा दाजाबदा	1
CBQ	(iii)	फिन: (A) मावग्रा मावरिजा	1
CBQ	(iv)	फिन: (A) गोगोमै	1
	(v)	फिन: (B) संसार जानाय	1
<b>सौथि नं.</b>	<b>2.</b>		<b>10x1=10</b>
CBQ	(i)	फिन: (A) रहस्य सान्थौ बेरखानाय खन्थाइ	1
	(ii)	फिन: (A) थिखा मावनायजौ	1
	(iii)	फिन: (B) इसोरनि अननाय	1
	(iv)	फिन: (A) बिमानि	1
CBQ	(v)	फिन: (D) फेस्ला खन्थाइ	1
CBQ	(vi)	फिन: (A) आंखालजौ गोथौवै नाखेबजानाय दाबसे ओनसोल	1
CBQ	(vii)	फिन: (D) गोजौनि मोनथामबो गेबै	1
	(viii)	फिन: (B) अरबिन्द उजीर	1
	(ix)	फिन: (B) सानजौ समान	1
	(x)	फिन: (A) गनीया दैमा	1

सॉथि नं.	3.		10x1=10
	(i)	फिन: (B) 1864 मायथाइयाव	1
CBQ	(ii)	फिन: (C) दों 17	1
	(iii)	फिन: (A) खुगा सल'	1
CBQ	(iv)	फिन: (B) भाइरासनिफ्राय	1
	(v)	फिन: (D) नीलकमल ब्रह्म	1
CBQ	(vi)	फिन: (C) अखाफोर	1
CBQ	(vii)	फिन: (B) अरण	1
CBQ	(viii)	फिन: (B) जिबौनि बिदैया गला जायो	1
CBQ	(ix)	फिन: (D) ब्राह्मन	1
CBQ	(x)	फिन: (A) खेराइसालियाव	1
		<b>Part-B</b> <b>(Descriptive Type Pen and Paper Test)</b>	
सॉथि नं.	4.		5x2=10
	(i)	फिन: रेभारेण्ड सिदनि एण्डेला बर' गामि गेजेर गेजेर थाबायदिंना बर'फोरनि हाबा-हुखा, दामनाय-देनाय, मोसानाय-मुसुरनाय, रंजानाय-बाजानाय बायदिफोरखौ नायहैदोंमोन, बर'फोरनि हारिमुवारि आसार-खान्थिफोरखौ नायहैदोंमोन आरो बेफोरखौ लिरथुमनानै गालांदोंमोन। बेखायनो बर'फोरा बिथांखौ गामि ब्राइ होनना गाबजियोमोन।	2
CBQ	(ii)	फिन: मानसिया जायखिजाया आयदा एबा बेसादनि सायाव नायबिजिरनाय, सुनाय, सैथो संनाय, बेसाद एबा जाथाइनि दोहोरोम एबा आखल बायदिफोरखौ नायबिजिरनानै मोनसे गरन्थआव सफेनो हानाय गोसो सानसिखौनो गोमोखोआरि गोसो होनना बुंनो हायो।	2

	(iii)	फिनः प्रम'द चन्द्र ब्रह्मआ सुजुनाय गांनै लाइसिफोरा जादों 'अलंबार' आरो 'हाथखि- हाला'।	2
CBQ	(iv)	फिनः 'गोथां गाब गार्थोंसै खन्थाइयाव' खन्थाइगिरिया गोथां गाबजों थानानै थानायखौनो फोरमायनो नाजादों। आथिखाल मुगानि मुखुब सुबुंफोरनि गोरबोफोरा जाहाथे गावजों लोगोसेनो गुबुन मानसिफोरखौबो थानानै थानो थुलुंगाखांहोयो बेखायनो गोथां गाब गार्थोंसै होनना बुंदों।	2
	(v)	फिनः 'संसारनि अन्नाय' खन्थाइयाव खन्थाइगिरिया सुबुंनि अननाया जेसेखि आंगो जाया मानो नाथाय माब्लाबाबो अरायगोजोर जानो हाया, बबेखानि खन्थाइगिरिया अननाय नागिरनानै हांमा-दाहा सैनांदों। बेखायनो खन्थाइगिरिया सुबुंनि अननानि सोलाय इसोरनि अननायखौसो मोननो लुबैदों जाय अननायनि जोबथा गैया।	2
सौथि नं.	5.		7x5=35
CBQ	(i)	फिनः 'मोनाबिलि' खन्थाइया समर ब्रह्म चौधुरीनि दोंसे मख'जाथाव रमान्टिक खन्थाइ। खन्थाइयाव मोनाबिलि समनि समायना मिथिंगायारि सावगारिखौ नुनो मोननाय जादों। खन्थाइगिरिया मोनाबिलि समाव गावनि गामि सेरनि गंनीया दैमानि सेरनि सुमब्लि बारियाव गसंनानै नोजोर होदों। मोनाबिलिनि अखाडाव रिथि-रिथा हाथखि जौनाय, दाउ थिया, दाउथेबफोरा मेथाइ खनै खनै न फारसे बिरलानाय, बार सिउ सिउ बारनायजों खन्थाइगिरिनि गोसोआ बोदोर जायो। नाथाय बे बादि गोजोन बुब्लियावबो बिथाडा बर' माहारिनि गोग्लैसोनाय थासारिखौ गोसोखांनानै दुखु मोनदों। बेनो खन्थाइयाव औरै बेरखांदों- नाथाय बर'नि बादि गोग्लैसोनाय माहारियाव सानबोलाउरिया खंगा, बिरखानो हाया। बियो मोनाबिलिनि समायना महराव बोदोर जादों। नाथाय बिथाडा मिथिखादों मोनाबिलि सिखलाया गावनि अनसुमैखौ सानफ्रोमबो लोगो हमफैयो। अब्लानो खन्थाइगिरिया मोनफुडैनि दाहा बिदांखौ मोनाबिलिनि मोखाडाव नुनो मोनो। बेनो खन्थाइयाव औरै बेरखांदों- आय' मोनाबिलि, नौनि गोमोथाव महरनि सिडाव मोनफुडिनि दाहा बोहैनाय आंनि मेगनाव गोग्लैयो। नाथाय खन्थाइगिरिया बेखौबो मिथिखायो दि मोनाबिलिनि बे दाहाया सोरखौबा मोनफुडैनि नडा बबेखानि बिखौ खाथिसिनाव मोननो हास्थायबावनायसो। बेनो खन्थायनि जोबथायाव औरै बेरखांदों-	5



		<p>मानोना गोसो थोनाया मोननो लुबैनाय गोदानै, साबसिनै खाथिसिनै मोननो लुबैनाय।</p>	
(ii)	<p><u>फिन:</u> बर'फोरनि खेराइ मोसानाया बाथौ धोरामजौ सोमोन्दो गोनां मोसानाय। बाथौ बोराइखौ बाउनायाव बाथौ बोराइजौ लोगोसेनो सा 18 मोदाइफोरखौबो सिबिनाय जायो आरो बिसोरनि मुडावबो मोसानाय जायो। थामहिनबा बर'फोरनि खेराइ मोसानाया मोन 18 रोखोमनि जायो। बेफोर जादौ-</p> <ol style="list-style-type: none"> <li>1. दाहाल सिबनाय</li> <li>2. सा गोलाउ</li> <li>3. खैजोमा फनाय</li> <li>4. सथ्रालि</li> <li>5. दाहाल-थुंग्रि सिबनाय</li> <li>6. खामाव बारखोनाय</li> <li>7. बादालि बिरनाय</li> <li>8. मैसो गेलेनाय</li> <li>9. बाथौ गिदिनाय</li> <li>10. नाव भासायनाय</li> <li>11. मुफुर गेलेनाय</li> <li>12. माइनाव बरायनाय</li> <li>13. मोसानाय गेलेनाय</li> <li>14. गराइ दाब्रायनाय</li> <li>15. गान्दौला बोननाय</li> <li>16. नाव जावनाय</li> <li>17. थुंग्रि गानाय</li> <li>18. दाउ थै लौनाय</li> </ol>	5	
(iii)	<p><u>फिन:</u> थारजा एबा सोदोबनि उनाव गुबुन गुबुन सोदोबथि दिन्थिनो जाय सिनफोरखौ फज'नाय जायो बेखौनो दाजाबदा बुंनाय जायो। बर' रावनि दाजाबदाया गासै मोनब्रै रोखोमनि। गाहायाव बेफोरनि सोमोन्दै सावरायनो नाजानाय जाबाय। क) थारजा दाजाबदा: थारजानि उनाव जाय दाजाबदाफोरखौ फज'नानै गोदान सोदोब दानाय जायो बेफोर दाजाबदाफोरखौनो थारजा दाजाबदा बुंनाय जायो। जैरै- बो-ख'&gt;बोख', दान- खाव&gt;दानखाव, गा-खुब&gt;गाखुब</p>	5	

		<p>ख) सोदोब दाजाबदा: सोदोबनि उनाव जाय दाजाबदाफोर फज'नानै सोदोबनि सोदोबथिखौ सोलायहोयो बेखौनो सोदब दाजाबदा बुंनाय जायो। जेरै- दाउ-सा&gt;दाउसा, गोजौ-सिन&gt;गोजौसिन, माव-थि&gt;मावथि</p> <p>ग) जो आथोन दाजाबदा: जाय दाजाबदानि हेफाजाबै जोला दिन्थिग्रा सोदोबखौ जो आथोन खालामनाय जायो बेखौनो जो आथोन दाजाबदा बुंनाय जायो। बेंगा-इ&gt;बेंगि, लेंग्रा-इ&gt;लेंगि, नाब्ला-ए&gt;नाब्ले</p> <p>घ) बेखेवफा: बाथ्रा दानाय समाव सोदोब एबा थारजानि उनाव जाय बेखेवफाफोरखौ दाजाबनानै सोदोबमा खालामनाय जायो बेखौनो बेखेवफा दाजाबदा बुंनाय जायो। बेखेवफा दाजाबदाया मोननै रोखोमनि जेरै- (क) सोदोब बेखेवफा आरो (ख) थारजा बेखेवफा।</p>	
CBQ	(iv)	<p><u>फिन:</u> 'ओंखारनाय खानसिया हाबनो रोडा'आ मोनसे मख'जाथाव बाथ्रा फाव। खानसिया जाथोसे हा सिडाव गुदुं खालामनानै थाग्रा फिसा मानबायग्रा जिबि आरो बेनि जर'खा आखुथाइया जादौ खनसे गुदुंनिफ्राय ओंखारलानायनि उनाव बे गुदुडाव हाबफिननो रोडा। बे बादिनो जायखिजाया खामानि मावखानाय एबा बाथ्रा बुंखानायनि उनाव बे मावनाय खामानि एबा बुंनाय बाथ्राया माब्लाबाबो जोबनानै एबा गोमानानै थाडा। बेयो मानसिफोरजौ सावरायजागोन, बाखनायजागोन, सोंखारिजागोन एबा अनसायजागोन। बे बादि मावखानाय एबा बुंखानाय खामानिजौ सोमोन्दो गोनं थासारिखौ फोरमायनो बे बाथ्रा फावखौ बाहायनाय जायो।</p>	5
	(v)	<p><u>फिन:</u> सिम, गाहाइ सुजुगिरि रादाब बिलाइनि मुं: XX जायगा: XX खालार: XX</p> <p>बे लाइजामनि गेजेरजौ नोंथांखौ बेखौनो फोरमायनो नाजानाय जायो दि दैबानाया आसामनि देरसिन जेंनाफोरनि गेजेराव मोनसे। आसामनि धुबुरिनिफ्राय सडियासिम गासैबो जायगायानो दैबानाजौ बुसोमजायो आरो बोसोरफ्रोमबो गोबां मानसियानो न-बां खोमानो नोनं जायो। बे गेदेर जेंनाखौ फोजोबस्रानो थाखाय राज्यो सोरखार आरो मिरु सोरखारा जेसेबां गोनांथि होनांगौमोन एसेबां गोनांथि होनायखौ नुवाखै। बेखायनो नोंथानि रादाब बिलाइनि गेजेरजौ आसामनि मोनसे गिरखंथाव जेंनाखौ फोजोबस्रानो थाखाय राज्यो सोरखारजौ लोगोसेनो मिरु सोरखारखौबो नोजोर बोनो हागोन होननानै मिजिंथिबाय।</p> <p>बेनिखायनो नोंथाडा आसामनि बे बादि मोनसे गेदेर जेंनाखौ सुस्रानायनि राहाफोरजौ लोगोसेनो मानसिफोरनि गेजेराव दैबानानि सोमोन्दै मिथिनां आरो बेनिफ्राय रैखा मोननायनि राहा आरो सरासनसा सुबुंफोरनि मावनांगौ बिबान बे</p>	5



		<p>गासैबो बिथिंफोरनि सायाव बिथा खालामनानै मोनसे रादाब फोसावगोन होननानै मिजिंथिबाय।</p> <p>नोंथानि फोथायसुला,</p> <p>मुं: XXX</p>	
CBQ	(vi)	<p>फिनः</p> <p>बेसेन मोन्दांथिया सुबुं समाजनि मोनसे एंगारनो हायै सोलौंथाइ, जायजौ सुबुडा मानगोनाडै थानानै थानो हायो। बेसेन मोन्दांथिनि अनगायै थारै सुबुं आरो गुबुन जिब जुनारनि गेजेराव जुनिया फारागथि थानाय नडा। सुबुं जिउनि माखासे बिथोन-खान्थि जायफोरा सुबुंनि देहायारि, गोसोआरि जौगानाय लोगोसे समाजनि जौगानायनि थाखाय मोजां। समाजाव सोलिनाय धोरुम फोथायनाय, जिउ सान्थौ, खान्थियारि आदर्स, राजखान्थियारि आदर्स, आसार-आखु, सानफ्रोमबो जिउनि हाबाफारि बे गासैखौबो बेसेन मोन्दांथिनि सिडाव सावरायजायो। बेजौ लोगोसेनो मोनसे खोथाखौ बुंफानो हायो बेसेन मोन्दांथिखौ रावबो सुबुडा जोनोमजौ मोनबोखाया, बेखौ समाजारि थासारिनिफ्रायसो बुथुमना लायो। बेखायनो साफ्रोम सुबुडानो बेनि थाखाय सांग्रां जानायजौ लोगोसेनो अनसायनो नाजानांगौ।</p>	5
CBQ	(vii)	<p>फिनः</p> <p>लाइमोन बैसोआ सुबुं जिउनि मोनसे सोलायनाय बैसो। बे बैसोआवनो सासे उन्दै बैसोनि हौवासा एबा हिन्जावसानि सोलेरारि, गोसोथियारि, गोसो सानथाइयारि, समाजारि आरो खान्थियारि बिथिडाव बायदि रोखोमनि सोलायनाय फैयो। लाइमोन बैसोनि सोमोन्दै गोबां सानथौगिरिफोरा गुबुन गुबुन बिबुंथि होदौं। खायसेनि बादिब्ला बे बैसोआ बारहुंखा आरो साद-जालानि बैसो। बेखायनो बे समाव जानाय गोबार गोसो खारथाइनि सोलायनायफोरखौ हमथानो थाखाय मोजां आबहावा आरो नांगौ रोखोमनि सोलौंथाइनि जोबोर गोनां। आरो बेखौ हमथानो हायाब्ला सुबुं जिउवाव गोबां दुखु-दाहा फैनायखौ नुनो मोनो। खायसे सानसुमैगिरिफोरा लाइमोन बैसोखौ जिउनि गोदान जांखिथाइनि सम होनना बुंदौं, बायदि बिथिडाव जानाय जौगासारथाइनि मेंनो रोडै गोहोआ साफा सेंग्रा एबा सिख्लासानो गोदान गोदान फैसालि बेखेवनायनि खाबु होयो। थामहिनबा गोजौनि बे मोननै बानबुंथाइखौ नोजोर होयोब्ला लाइमोन बैसोनि सोलौंथाइया गासै सोलौंथाइ बिखान्थियाव मोनसे गोनांथार जायगा आवग्रानायखौ नुनो मोनो।</p>	5
सौंथि नं	6.	<p>फिनः</p> <p>बर' समावजाव आगरनि बाहायनायखौ द्लामैनो नुनो मोनो। बयदिसिना रं-बिरंनि गाब गोनां, आगर गोनां दखना, फासा, आरनाय, फालि, गामसा बायदि रोखोमनि गाननाय-जोमनायफोराव आगर एरफबना लायो। बे बादिनो बे फरायावबो मोनसे जरखा रोखोमनि आगर उजिनाय एबा जोनोम जानायनि सलबाथा खिन्थानाय जादौं। सल'बाथायाव सासे लाइमोन सिख्लाया गावनि लोगोफोरजौ हाग्रायाव मैगं खानो थादौंमोन। मिथिंगानि समायना रमायना दंफां-लाइफां, हाजो-हाला, दैमा-दैसा बायदिफोरनि गेजेराव थानो मोजां मोननाय बरफोरा मिथिंगानिफ्रायनो गासैबो रोखोमनि जानाय-लौनाय, गाननाय-जोमनाय बायदिफोरखौ बुथुमना लायो। बे बादिनो लाइहागार मुंनि सिख्लायाबो गावनि लोगोफोरजौ मैगं खानो थादौंमोन।</p>	5

		दाउफेनदा, बुरि थखन, बुरि सिब्रु, गारला गोरलै, दैसेम, खेरा दाफिनि, हांसो आफा, माय सुनद्रि बायदि मैया मैगं खानायावनो लाइहागार सिखलाया बारनायजों थाराइलाइजों खावलाइयावनो सौग्रावलायो। बेबादियावनो बियो थाराइ बिलाइखौ मोजाडै नायो आरो थाराइ बिलाइनि समायना महराव बोदोर जायो। बे समायना थाराइलाइनि महरखौनो लाइहागार सिखलाया हिसानसालियाव फैनानै बिनि समायना महरखौ हियाव एरजेनफैयो। आरो बे समायना आगरखौनो उनाव लाइहागार आगर मुं दोननाय जायो। आरो बे लाइहागार आरगानो उननि समफोराव आगर गुबै मुं मोनो।	
सौथि नं.	7.	<p><b>फिनः</b></p> <p>बे खन्थाइ खोन्दोखौ मदाराम ब्रह्मआ लिरनाय 'बर'नि गुदि सिबसा आरो आरज' मुंनि खन्थाइनिफ्राय लानाय जादों। बेयो दोंसे रहस्य सानसि बेरखांनाय खन्थाइ। रहस्य सानसि बेरखांनाय खन्थाइफोराव इसोर एबा अबंलाउरिनि मावनाय, दांनाय एबा इसोर हमदांनो हायै गुमुरफोरनि खोथाफोरानो बेरखाडो। खन्थाइगिरिया बरनि गुदि इसोर, जोनोमहोगिरि बोराइ बाथौनि गुमुर मिथिनो लुबैनाय खोथायानो बेरखांदों। बिथाइ खरगंलायनानै गिबि लारियावनो बुंदों दि नों फैब्लासो बार बारो, खोमसिया सोरां जायो, दाउफोरा आदार नागिरनानै जाम जाम बिरलानो हायो। थामहिनबा जों साफ्रोम जिब-जुनार, मानसि-दुमसिफोरा थानानै थानो हायो। नों बाथौ बोराइनि अनगा रावबो गैया। बेखायनो नों जोंनो गोहो होनांगौ, गोख्रों गोसो होनांगौ जाहाथे जों समाजनि गोग्लैसोनाय, गियान गैयि मानसिफोरनि मोजां खालामनो हायो। खन्थाइगिरिया मिथिदों आरो फोथायदों दि बिथानि मावनाय दांनायफोरखौ इसोरा नायहरबाय थायो नाथाय जोंसो बेखौ मिथिसवा। बेखायनो खन्थाइगिरिया खुथार खुथार खावलायदों जाहाथे मोनसा-मोनसि गैयालासेनो बयखौबो मेगन थाइसेजों नायनो हानाय बादि हाजासे गियान होयो।</p>	5



 **Download FREE CBSE E-BOOKS**  [CLICK HERE](#)